



R 26  
22

御纂醫宗金鑑卷十五

編輯外科心法要訣目錄

雜證部

跌撲

金瘡

箭頭入肉

鐵鍼入肉

鐵鍼誤入咽喉

誤吞銅錢

骨哽咽喉

杖瘡

夾傷

竹木刺入肉

破傷風

發瘡

湯火傷

御纂醫宗金鑑

卷十五

目錄

凍瘡

熊虎須傷人

瘋犬齧傷

蛇齧傷

蠍螫

射工傷

天蛇瘡

百蟲入耳

人齧傷

馬齧傷

馬汗鹽涎入瘡

蜈蚣齧傷

蠶齧

蚯蚓傷

蠍蝮傷



御纂醫宗金鑑卷十五

編輯外科心法要訣

雜證部

跌撲

跌撲之證屬尋常復元活血湯最良已破亡血八珍服未破血  
瘀大成湯

註

此證有已破未破之分亡血瘀血之別如尋常跌撲微傷

皮肉疼痛未破者以復元活血湯散瘀活血若損傷筋骨  
血流過多不止者即為亡血急用花蓋石散乾撒止血肉

八服八珍湯加酒炙骨碎補續斷紅花若從高跌墜未曾損



破皮肉者必有瘀血流注臟腑人必昏沉不醒二便秘結  
當以大成湯通利二便其人自醒若便利不醒者灌獨參  
湯救之

大成湯

大黃 三錢

朴消

枳殼 各二錢  
麩炒

厚朴 薑炒

當歸

紅花

木通

蘇木

陳皮

甘草 各一錢  
生

水二鍾煎八分不拘時服服後二時不行渣再煎加蜜三

匙冲服

歌方大成活瘀便立通消黃枳殼厚歸紅木通蘇木陳皮草煎

服不行加蜜沖

復元活血湯

當歸尾 二錢

柴胡 一錢五分

穿山甲 炙研

紅花

栝蒌仁 各七分

甘草 五分

桃仁 十七個

大黃 三錢

水二鍾酒二鍾煎一鍾食遠服以利為度

歌方復元活血跌撲證惡血流瘀積滯疼山甲柴紅栝蒌草桃

仁歸尾大黃行

花薑石散 見發無定處血志

印真齋宗金監 卷二 編輯科心法要訣

八珍湯

獨參湯

俱見濟  
傷門

金瘡

金瘡須宜驗傷痕輕傷皮肉重傷筋外撒如聖桃花散血多入

珍湯獨參

註

此證有金刀傷箭鏃傷磁鋒傷須看傷痕深淺輕者皮肉

破損血流不住以桃花散撒之重者筋斷血飛係大脈已

傷用如聖金刀散撒上以絹帛紫住止而復流再撒若藥

痂過厚拘痛者以生肌玉紅膏塗傷處外貼花僧膏長筋



止痛生肌治之無論輕重傷破出血初服三黃寶蠟丸傷  
破微出血者服黎洞丸若出血過多其人面黃眼黑不可  
專攻瘀血宜用八珍湯甚者獨參湯先固根本二方俱加  
蘇木紅花兼調瘀血此證雖係好肉暴傷然驗脈法形證  
亦可以定生死如傷血過多脈見虛細沉小和緩者生若  
脈見浮洪數大實虛促者死被傷入肺者二七死左脇下  
傷內者腸全斷者少腹下傷內者傷處繁多者老人左股  
壓碎者傷破陰子者肩內耳後傷透於內者死凡傷天牕  
穴與肩角腦後臂裏跳脈髀內陰股兩乳上下心下鳩尾  
及五臟六腑之輸者皆死腦後出髓而不能語目睛直視

喉中沸聲口急唾出兩手妄舉者亦死又有腹皮損破腸  
出者看腸若僅傷一半者可治先以大麥煮粥取濃汁溫  
洗其腸以桑皮尖茸爲線蘸花蕊石散縫腸傷口急於縫  
處塗活雞冠血隨以清油塗腸令潤將腸輕輕納入腹中  
外用生人長髮密縫腹傷口之裏肉留外皮撒月百珍珠  
散以待生肌斂口若傷口大者不能外縫以陀僧膏護貼  
候自潰膿卽按潰瘍門治法縫後勿驚笑以米飲少少飲  
之漸增待二十日後再喫濃粥調理而愈

### 三黃寶蠟丸

藤黃

囚雨製法見  
黎洞丸內

天竹黃

無真者九轉  
南星代之

紅芽大戟

劉寄奴

血竭 各三兩

孩兒茶

雄黃 各三兩

朴消 一兩

當歸尾

一兩五錢

鉛粉

汞 卽水銀

乳香

麝香 各三錢

琥珀 二錢

各研極細末稱準和一處將水銀同鉛粉在鐵鍋內火上

熱研成末入前藥內共研勻用煉淨黃蠟二十四兩放磁

器內坐滾水中化開將藥入內攪勻病重者每丸一錢病

輕者每丸五分熱黃酒調服倘受傷至重連服數次服藥

後飲酒出汗更妙又治一切惡瘡以香油化開敷之甚效

方歌

三黃寶蠟琥天竹大戟兒茶消寄奴  
雄竭藤黃鉛粉汞乳



歸麝碾去其粗蠟丸黃酒熱調服外治惡瘡油化敷能療  
金瘡傷損證續筋瘀散痛全無

黎洞丸

三七

生大黃

阿魏

孩兒茶

天竹黃

血竭

乳香

沒藥 各二兩

雄黃 一兩

山羊血

五錢無真者以小  
子羊鮮心血代之

水片

麝香

牛黃 各二錢五分  
以上各研細末

藤黃

二兩 以秋  
去浮沉取中將  
荷葉露泡之隔湯煮十餘次  
將山羊血拌入曬乾

取秋露水化藤黃拌藥搗干餘下如乾加煉蜜少不為丸

重一錢黃蠟封固每用一丸黃酒化服外敷亦用黃酒磨

塗此藥如在夏天修和取天落水拌之為丸

方歌

黎洞金瘡跌撲傷發背癰疽諸惡瘡癩癰刑傷瘋犬齧蜂

蛇蠍毒服敷良三七大黃冰麝魏兒茶天竹竭藤黃羊血

牛雄黃乳沒秋露和丸酒化強

桃花散

見發無定處血箭

如聖金刀散

見足部脫疽

生肌玉紅膏

陀僧膏

八珍湯

獨參湯

月日珍珠散

俱見潰瘍門

花蕊石散

見發無定處血痣

本草綱目卷之六十一 外科心法要訣

箭頭入肉

附毒箭

箭頭入肉鉗不出解骨丸納羊脂敷煖銅毒箭金汁解射箇中  
人藍汁塗

註

箭頭嵌入肉內鉗不出者宜解骨丸納傷口內外用羊腎  
脂細嚼貼之覺癢忍之極癢箭頭漸冒撼動拔出卽以人  
尿洗之貼陀僧膏日換傷口自斂又有毒箭二種交廣蠻  
夷用焦銅作箭鏃甚毒人若中之纔傷皮肉便悶膿沸爛  
死急飲金汁外亦用金汁抹之若金汁一時不得卽灌  
汁並外敷之非此不能解毒也又一種以毒藥喂箭  
箇人若中之甚毒急用葛氏方用藍錠汁一盃灌



之外亦用塗抹傷處一法用大豆豬羊血內服外敷解毒亦效又箭鏃不出者搗鼠肝塗之或鼠腦搗塗即出

解骨丸

蜚螂

研

雄黃

研

象牙末

各等分

共和勻煉蜜為丸如黍米大納傷口處

方歌解骨丸能拔箭鏃蜚螂雄黃功效速象牙末加蜜煉丸大

如黍米納傷處

陀僧膏

見潰瘍門

鐵鍼入肉

鐵鍼入肉隨氣遊走向心胸

懸烏鴉翎灰酒調服膏貼鍼

出始免憂

註

元鐵鍼誤入肉中無眼者不動有眼者隨氣遊走若走向

心窩胸膛者險急用烏鴉翎數根炙焦黃色研細末酒調

服一錢或二錢俱可外用神聖膏貼三五次其鍼自出前

法用在一二日間效

神聖膏

用車脂輦油不拘多少研如膏調慈石末攤紙上如錢許貼

之每日二換

鐵鍼誤入咽喉

誤吞鐵鍼入咽喉急飲蝦蟆血數頭鍼不即吐若籬散或食飴糖出不留

註

鐵鍼誤入咽喉無藥可施宜用癩蝦蟆數個將頭剝去倒垂流血以盃接之得一盃許灌入喉中移時連鍼吐出鍼自輒曲一方用舊筴籬煨存性研末每服三錢黃酒調服亦能化鍼或用飴糖一筋食盡便出



誤吞銅錢

誤吞銅錢雖無疼久留腹中病必成葶薺能化堅為軟多食無傷可化銅

註

誤吞銅錢多食葶薺卽能化堅為軟若誤吞鐵骨等物腸中不能轉送覺墜者多食青菜豬脂自然送入大腸與糞同出甚效